



Ofisina Sentral di Statistik

Informashon : (599 9) 724 1802

Adrès: WTC-Building, Piscaderabay z/n

E-mail: info@cbs.cw

Website: www.cbs.cw

Facebook: [cbscur](https://www.facebook.com/cbscur)

Komunikado

Willemstad, 9 yüli 2026

CBS ta publiká publikashon nobo tokante poblashon i ta lansá dashboard di poblashon

Willemstad – Ofisina Sentral di Statistik (CBS) Kòrsou a publiká awe riba su wèpsait e publikashon mas resien "**Population of Curaçao per January 1st 2026: An Overview of Demographic Developments**". Na mes momentu, CBS a lansá un **dashboard interaktivo di poblashon** nobo ku ta kontené tur datonan aktualisá tokante e poblashon di Kòrsou.

Den kuadro di **World Population Day**, ku ta wòrdu selebrá kada aña riba 11 di yüli, CBS ta publiká e publikashon i e dashboard akí pa pone énfasis riba e importansia di statistikanan aktual i konfiabel tokante e poblashon di Kòrsou.

Tur aña, Ofisina Sentral di Statistik (CBS) Kòrsou ta publiká e sifranan oficial di poblashon di Kòrsou. E publikashon aki ta presentá e sifranan di poblashon pa **1 di yanüari 2026**. E datonan ta bini for di Registro Sivil (Kranshi), ku ta mantené e registrashonnan oficial di eventonan vital, manera nasementu, fayasimentu, matrimonio, divorsio, immigrashon i emigrashon. Anualmente, CBS ta risibí e datonan administrativo aki i ta prepará e statistikánan oficial di poblashon.

E publikashon "**Population of Curaçao per January 1st 2026: an overview of Demographic Developments**" ta duna un bista amplio di e desaroyonan demográfiko na Kòrsou, inkluyendo kresementu di poblashon, fertilitat, mortalidat, immigrashon i emigrashon. Ademas, e publikashon ta analizá e komposishon di e poblashon segun edat i

sexo, desaroyonan históriko, speransa di bida, e ratio di dependensia i otro indikadónan demográfiko importante. Di e manera aki, e publikashon ta ofresé informashon balioso tokante e kambionan den e struktura di poblashon di Kòrsou.

Huntu ku e publikashon, CBS ta lansá tambe un **dashboard interaktivo di poblashon nobo riba e wepsait**. Dor di e dashboard aki, usarionan por haña aksesu fasil na datonan aktualisá tokante e poblashon, manera e total di habitantenan, naseментu, fayasimentu, immigrashon, emigrashon, kreseментu di poblashon, distribushon di edat i otro indikadónan demográfiko. Ku e gráfikonan i tablanan interaktivo, ta hasi mas fasil pa analizá tendensianan durante di e añanan, tambe por download e datonan den otro formato ku por usa los for di e dashboard.

E publikashon i e dashboard di poblashon ta disponibel na : www.cbs.cw/population